



**PEJABAT KEWANGAN NEGERI
PERAK DARUL RIDZUAN
ARAS G, BANGUNAN PERAK DARUL RIDZUAN
JALAN PANGLIMA BUKIT GANTANG WAHAB
30000 IPOH.**

Telefon/Faks :
Pegawai Kewangan Negeri - 05-2423311
Timbalan Pegawai Kewangan Negeri - 05-2424243
- 05-2538989 (F)
Bendahari Negeri - 05-2536646
- 05-2416646 (F)
Talian Utama - 05-2095000
Website : <http://kewangan.perak.gov.my/>

Ruj. Tuan :

Ruj. Kami : PKN.PK.20/1 2022 (67)

Tarikh 29 Jamadilaawal 1442H
3 Januari 2022

**Semua Ketua Pusat Tanggungjawab
Negeri Perak Darul Ridzuan**

YB. Dato' / YAA. Dato' / YBhg. Dato' / Tuan / Puan,

PEKELILING KEWANGAN NEGERI PERAK DARUL RIDZUAN BIL 1 TAHUN 2022

Dengan hormatnya saya merujuk kepada perkara di atas.

2. Dimaklumkan bahawa pentadbiran ini telah mengeluarkan **Pekeliling Kewangan Negeri Perak Darul Ridzuan Bil 1 Tahun 2022 (Anggaran Perbelanjaan Kerajaan Negeri Perak Darul Ridzuan 2022)** untuk rujukan semua jabatan di bawah pentadbiran Kerajaan Negeri Perak. Pekeliling tersebut telah dimuatnaik ke dalam portal rasmi Pejabat Kewangan Negeri Perak untuk memudahkan capaian.
3. Sehubungan itu, mohon kerjasama YB. Dato' / YAA. Dato' / YBhg. Dato' / Tuan / Puan mematuhi peraturan yang telah ditetapkan serta mengutamakan perbelanjaan secara berhemah agar peruntukan sediala mencukupi sehingga hujung tahun.
4. Kerjasama dan perhatian daripada YB. Dato' / YAA. Dato' / Y.Bhg. Dato' / Tuan / Puan dalam perkara ini amatlah dihargai.

Sekian, terima kasih.

"WAWASAN KEMAKMURAN BERSAMA 2030"

"BERKHIDMAT UNTUK NEGARA"

Saya yang menjalankan amanah,

(SITI SURAYA BINTI MUHAMAD TAIB)
Ketua Penolong Pegawai Kewangan Negeri (Bajet)
b.p. Pegawai Kewangan Negeri
Perak Darul Ridzuan.

s.k. - Bendahari Negeri
- Fail Timbul.



**PEKELILING KEWANGAN NEGERI PERAK DARUL RIDZUAN
BIL. 1 TAHUN 2022**

Semua Pegawai Pengawal,
Negeri Perak Darul Ridzuan.

**ANGGARAN PERBELANJAAN
KERAJAAN NEGERI PERAK DARUL RIDZUAN 2022**

KANDUNGAN

PK 1/2022 Anggaran Perbelanjaan Negeri Perak Darul Ridzuan 2022

1.	Tujuan.....	3
2.	Anggaran Perbelanjaan Mengurus.....	3
3.	Anggaran Perbelanjaan Pembangunan.....	4
4.	Pengeluaran Waran Peruntukan.....	4
5.	Kawalan Perbelanjaan dan Pemantauan Prestasi.....	5
6.	Bayaran Bil & Tuntutan.....	5
7.	Penutup.....	6



KERAJAAN NEGERI PERAK DARUL RIDZUAN

ANGGARAN PERBELANJAAN KERAJAAN NEGERI PERAK DARUL RIDZUAN 2022

1. Tujuan

- 1.1 Adalah dimaklumkan bahawa sejumlah RM1,105,000,000 telah diluluskan bagi anggaran Perbelanjaan Kerajaan Negeri Perak Darul Ridzuan Tahun 2022, iaitu RM803,000,000 untuk Perbelanjaan Mengurus dan RM302,000,000 untuk Perbelanjaan Pembangunan.

2. Anggaran Perbelanjaan Mengurus

- 2.1 Kebenaran telah diberi melalui Waran Am Bil. 1 Tahun 2022 dan Waran Am Bil. 2 Tahun 2022 bertarikh 21 Disember 2021 mengikut Subseksyen 13 (2) dan 13 (3) Akta Tatacara Kewangan 1957 (Akta 61) bagi pengeluaran wang berjumlah RM1,082,518,000 daripada Kumpulan Wang Disatukan untuk membiayai perbelanjaan berikut:

2.1.1 sebanyak RM32,088,200 di bawah Maksud Tanggungan; dan

2.1.2 sebanyak RM1,050,429,800 di bawah Maksud Bekalan, seperti diluluskan di bawah Enakmen Perbekalan 2022.

- 2.2 Pegawai Pengawal dibenarkan membuat perbelanjaan seperti yang diluluskan dalam Anggaran Perbelanjaan Mengurus 2022 dan diminta mengawasi perbelanjaan mengurus di bawah kawalannya supaya tidak melebihi jumlah peruntukan yang telah diluluskan dalam anggaran tersebut.

3. Anggaran Perbelanjaan Pembangunan

- 3.1 Kebenaran telah diberi melalui Waran Kumpulan Wang Pembangunan Bil. 1 Tahun 2022 bertarikh 21 Disember 2021 mengikut Seksyen 8 Akta Kumpulan Wang Pembangunan 1966 (Akta 406) bagi pengeluaran wang berjumlah RM302,000,000 daripada Kumpulan Wang Pembangunan untuk membiayai perbelanjaan bagi Maksud-Maksud yang dinyatakan dalam Anggaran Perbelanjaan Pembangunan 2022.
- 3.2 Pegawai Pengawal dibenarkan membuat perbelanjaan seperti yang diluluskan dalam Anggaran Perbelanjaan Pembangunan 2022. Jumlah yang dikeluarkan bagi setiap Maksud atau Butiran pada setiap masa **tidak boleh melebihi** jumlah anggaran harga projek kecuali setelah mendapat kelulusan Unit Perancang Ekonomi Negeri, Pejabat Setiausaha Kerajaan Negeri Perak Darul Ridzuan. Pembiayaan menggunakan Butiran lain di dalam Maksud yang sama boleh dilaksanakan melalui kaedah Pindah Peruntukan.

4. Pengeluaran Waran Peruntukan

- 4.1 Pegawai Pengawal dikehendaki mengeluarkan Waran Peruntukan Kecil kepada Pusat Tanggungjawab (PTJ) di bawah bidang kuasa masing-masing **sebelum atau pada 21 Januari 2022**. Jabatan / PTJ hendaklah memastikan peruntukan di bawah kod aktiviti dan kod perbelanjaan Objek Sebagai mencukupi sebelum sesuatu pembayaran dilakukan.

5. Kawalan Perbelanjaan dan Pemantauan Prestasi

- 5.1 Pegawai Pengawal hendaklah memastikan perbelanjaan awam dilaksanakan secara berhemat **mengikut perancangan dan keutamaan**.
- 5.2 Peruntukan yang disediakan bagi sesuatu Maksud Bekalan/ Pembangunan adalah siling perbelanjaan bagi tahun 2022. Sebarang perubahan perancangan dan perbelanjaan hendaklah ditanggung menggunakan **peruntukan sedia ada yang telah diluluskan tanpa peruntukan tambahan**.
- 5.3 Bagi tanggungan tahun lalu **yang belum dijelaskan atau pelaksanaan sesuatu keputusan baharu**, perbelanjaan hendaklah menggunakan **peruntukan tahun semasa atau dilakukan secara trade-off dengan peruntukan sedia ada**. Sebarang permohonan peruntukan tambahan tidak akan dipertimbangkan.
- 5.4 Selaras dengan tujuan memastikan peruntukan penyelenggaraan dimanfaatkan sepenuhnya, Pegawai Pengawal **tidak dibenarkan** untuk menggunakan peruntukan tersebut bagi membiayai aktiviti lain melainkan setelah mendapat kelulusan Pejabat Kewangan Negeri terlebih dahulu.
- 5.5 Pegawai Pengawal perlu memantau pelaksanaan projek pembangunan dengan rapi bagi memastikan projek dapat dilaksanakan mengikut jadual.

6. Bayaran Bil dan Tuntutan

- 6.1 Pegawai Pengawal hendaklah memastikan semua bil dan tuntutan ke atas bekalan dan perkhidmatan yang telah disempurnakan oleh pembekal / kontraktor dijelaskan dalam tempoh **14 hari** bekerja daripada tarikh bil dan tuntutan yang lengkap diterima.

- 6.2 Semua bil dan tuntutan yang perlu dibayar di bawah maksud Arahan Perbendaharaan 58 (a) hendaklah dikemukakan ke Pejabat Kewangan Negeri untuk kelulusan **sebelum 31 Mac 2022**. Tarikh akhir pembayaran Arahan Perbendaharaan 58 (a) yang diluluskan adalah **31 Mei 2022**. **Pembayaran menggunakan kaedah Arahan Perbendaharaan 59 akan dikenakan bagi yang tidak mematuhi penetapan ini.**

7. Penutup

- 7.1 Pegawai Pengawal diminta memberi perhatian serius terhadap pengurusan kewangan jabatan masing-masing serta memastikan teguran yang dibangkitkan di dalam laporan audit/ pemantauan diambil tindakan sewajarnya dan tidak berulang.
- 7.2 Pegawai Pengawal diingatkan supaya menjalankan tugas dan tanggungjawab seperti mana dijelaskan di bawah Seksyen 15A Akta Tatacara Kewangan 1957 (Akta 61) dalam melaksanakan pengurusan perbelanjaan.
- 7.3 Pegawai Pengawal hendaklah mematuhi semua peraturan kewangan yang sedang berkuat kuasa dan mengambil tindakan tegas terhadap pegawai awam yang melakukan kesalahan seperti dinyatakan di bawah Seksyen 18 Akta 61.
- 7.4 Pekeliling ini berkuat kuasa mulai **3 Januari 2022**.

Sekian, terima kasih.

“BERKHIDMAT UNTUK NEGARA”

Saya yang menjalankan amanah,



(DATO' ZULAZLAN BIN ABU HASSAN)
Pegawai Kewangan Negeri
Perak Darul Ridzuan.

Tarikh : 3 Januari 2022.

Salinan kepada:

1. YB. Setiausaha Kerajaan Negeri Perak Darul Ridzuan.
2. Bendahari Negeri Perak
Pejabat Kewangan Negeri Perak.
3. Pegawai Teknologi Maklumat
Pejabat Kewangan Negeri Perak.

Pekeliling ini boleh di muat turun melalui
<http://kewangan.perak.gov.my>

